



UNIVERSITÄTS-
BIBLIOTHEK
PADERBORN

**De Rebus Iaponicis, Indicis, Et Pervanis Epistolæ
Recentiores**

Hay, John

Antverpiæ, 1605

Admodvm Reverendo Et Illvst. Domino D. Michaeli De Monchy, Ecclesiæ
Cathedralis Rothomagi Canonico, & in Senatu supremo Normanniæ
consiliario Regio, &c S.

[urn:nbn:de:hbz:466:1-61204](https://nbn-resolving.org/urn:nbn:de:hbz:466:1-61204)

A D M O D V M

REVERENDO ET ILLVST.
DOMINO D. MICHAELI DE
Monchy, Ecclesiae Cathedralis Rothomagi Ca-
nonico, & in Senatu supremo Normanniae con-
siliario Regio, &c. S.



N me nullo meo merito varia con-
tulisti magna, beneficia, quae si
ego omnino tacerem, mortalium in-
gratissimus merito iudicarer; si ve-
rò publico scripto commemorarem,
tibi, qui non ab hominibus, verum à

Deo solo laborum tuorum mercedem exspectas, mole-
stiam exhiberem. Mihi ergo temperabo, & paucis
causam complectar suscepti à me laboris, in unum
congerendi librum, hominum Societatis Epistolas,
ex locis longinquis & diuersis in Europam missas.
Martinus Nutius ciuis & bibliopola Annuerpiensis,
vir in Religione Catholica, si quis alius, constans, ma-
gno cum teneretur studio promouendi pietatē, quam
ipse Dei beneficio à prima etate coluit, compe scendit-
que stultam causidicorum loquacitatem, qui nullos
hactenus in Societate extitisse lierate peritos publi-
cis libellis contendere non sunt veriti, Ioannis Petri
Massei historiam, eruditorum hominum iudicio pu-
ram, ab omnique cum mendaciorum ium barbariei

Tom. ij. Aa 2 fœditate.

faeditate immunem excudendam suscepit, collegiſq;
huius Rectorem, R.P. Carolum Scribani obnixè roga-
uit, ut Sociorum Epistola, quae non eodem tempore
lucem primum adſpexerant, sic coaceruarentur, ut u-
num quasi corpus efficerent. Viri optimi studio cona-
tibusq; fauendum cum existimaret Rector, mihi hoc
onus imposuit conquirendi quae varijs in locis exsta-
bant hominum Societatis litteras, quod lubens susce-
pi, maximè cum Superioris mei voluntati parendum
scirem, & laborem meum non fore Christi Ecclesiae
inutilem certò mihi persuaderem. Ad meliorem, ut
confidimus, vitam migravit Maffei; at in Societa-
te non desunt, qui hereticos & hos miseros leguleios
honorum obtrectatores compeſcant, ipſorumque inhu-
manam audaciam coerceant. Ceterum regnare & ipſi
desierunt, postquam Henricus IV. Christianissimus
Rex Societatis patrocinium, magno honorum applau-
su Francorumque commodo, suscepit. Latrare itaque
poterunt, qui Societati nostrae in florentissimo Galliae
Regno interitum sunt machinati; at damnum illi, ut
speramus, dabunt nullum. Verùm cum tibi sit probe
Societatis nostrae agendi ratio perspecta & cognita, cu-
ius propugnationem etiam tristissimis temporibus nõ
deseruiſti, non est cur de improborum malevolentia
pluribus differam: tantùm te rogo, ut equo animo pa-
tiaris, librum hunc Epistolarum nominis tui praesidio
munitum in hominum manus venire, tibi quidẽ me-
ritissimò melius aliquid à me debetur, sed cum hoc
tempore non suppeteret quod tibi offerrem, tua in me
humani-

humanitate liberalitateq; dignum, volui vt posteri-
tas intelligeret me esse nominis tui studiosissimum,
beneficiorumq; cum à te tum ab Illustr. Domino Ro-
berto de Monchy Domino de Caueron, germano tuo
fratre, ipsiusque coniuge Illustr. in primis & lectissi-
ma femina D. Anna de Pelue acceptorū memorem.
Virtuti tua meritum præmium cumulatè persoluet
Deus, quem obnixè rogo, vt te in Christi Domini Ec-
clesia strenuè laborantē conseruet, & in dies studium
tuum, quod à teneris annis pietati & doctrina dedi-
sti, sic augeat, vt ad senectutem peruenisse te nun-
quam pœniteat. Vale in Domino. Ex Collegio Societa-
tis IESV Antuerpiæ, Anno cl. lxxv.

Obsequentissimus in Christo seruus,
Ioannes Hayus.

A a 3

BRE-